

Harmailetatik begira
Espainiako Lehen Maila

Asperraldia, politika eta abar

Anoetako Realak eskasa da baina aurkariak eskasagoak; Fernandezek ez zuen asmatu

Enekoitz Esnaola

TXANPONEK bezala, uste dut gauza orok dituela bi alderdi. Horratx lau adibide:

1: Anoetako Realak: Egia esatea nahi baldin baduzue, Realaren sailkapena harrigarria iruditzen zait. Ni ez naiz kanpora joaten Realak jokatzeko duenean, baina Anoetan bai izaten naizela, eta aspertu egiten naiz. Herenegun argazki makina izan banu, argazki bat propio aterako nuke eta orrialde honetantxe bertan jarriko: nire atzeko kabinan zegoen gizonezkoa lo seko zegoen, irratiko aurikularra belarriko zuloan sartuta. Eskerrak ez zen ari lanean. Nik lo ez nuen hartu, baina ia-ia bai. Baina erdi lotan beti egoten naiz; izan ere, aspertu egiten gaitu Realak Anoetan. As-per-tu. Garbi dago etxetik landa jokatzeko moduko taldea dela Iruretarena. Baina Realak Anoetan ekipo kaskarra baldin bada, bere aurkariak are kaskarragoak dira. Adiskide batek esan zidan hori. Eta egia da. Zaila da txuri-urdinen kontra ongi jokatzeko. Zaragozak futbolista onak ditu (Garitano, Poyet, Belsue, Dani...); hala ere, herenegun pena ematen zuten. Realak ito egin zituen. Pibote postutik atzera, Ligako ekiporik onenetakoa da gurea, eta horri ere bere meritua eman behar. Eskerrak hori. Egia esan, aurrealdea ere ederra du, baina zelaia erdia ez hain ederra jokoa sortzeko garaian. Horixe du gabezia. Eta konpontzea ez da batere zaila, poltsikoa astinduz gero. Zerbait kontra?

2: Luis Fernandez: Izan pazientzia, berriz esango dizuet eta: entrenatzaile bikaina da Luix hau. Bere alde ona da hori. Baina nik uste akatsik ere egiten duela. Ia beti lau atzelarirekin jokatzeko; herenegun, ordea, hirurekin. Ez zitzaidan gaizki iruditu, eta taldeak ongi funtzionatu zuen atzean. Aurrealdean ere aldaketa Luixek: ia beti pare bat edo hiru aurrelari ateratzen ditu; herene-

gun, ordea, bakarra (Ziganda). Eta ez zitzaidan ongi iruditu hasieratik. Gero ikusi zen: Athletic-ek lehen zatian Real Madriderik baino hobeto jokatu, baina Ilgnarren atea ezin zutatu. Guerrero bera ere hobeto moldatzen da bere aurretik gutxienez bi baldin baditu.

3: Futbola eta politika: Ez zuen gezurrik esan Capellok: «Real Madrid-Athletic partidu berezia da, politikarengatik». Igandean egunkari batek zioen moduan, «partidu politikoa». Azkar ikasi du Capello italiarrak. Eta ongi iruditzen zait euskal taldeen eta Madrildien artekoak partidu politikoak izatea. Baina dena ez da

hain ona. Lehengoan Aranzabali «etarra» deitu baldin bazioten Calderonen, herenegun Madrilen Athletic zaleen bi autobus jo eta txikitu egin zituzten. Editorialen edo antzekoen zain nago.

4: Toshacken ateraldiak: Entrenatzaile bezala, oso ona da. Joxe Mari Bakerok Johan Cruyffi baino gehiago eskertu beharko lioke Toshacki, honek topatu baitzion leku aproposa pibote aurreratu gisa. Baina badu galestarrak beste alderdi ilun bat, eta niri ez zait gustatzen. Jokalariei (Irazoki, Carlos Martinez...) tortura psikologikoa egiten ez dienean, aho beroa dugu bera. Begira zer dioen orain: «Ekainaren 30ean

bukatuko zait kontratua eta uneotan zail ikusten dut berri-tzea; Deportivoko zale hauek azkar aldatzen dute iritziz. Iazko denboraldia, Arsenio joan berria zela eta ekipoa beheraka zihoala medio, kalbarioa izan zen niretzat. Zaleek nolabaiteko mesprezua erakutsi izan dute nirekiko. Orain badirudi gauzak aldatu egin direla, ongi baikaude sailkatuta». Bai, larunbatean Barçaren kontra galdu ondoren, hirugarren doa. Liga irabazteko aukerak hortxe ditu. Baina baliteke hemendik aurrera *entorno* delakoa kontra izatea. Eta delako inguru hori kontra dagoenean, gauza onik ez. Hobe zukeen isilik egotea Toshackek. Ala ez?



Victor, Urrutia eta Raul, herenegungo Real Madrid-Athletic partidu politiko-ko une batean.

KOTE / EFE

■ Josu Ortuondok hitz egin nahi al zuen?

Extremadurak 2-4 galdu ondoren Atletico de Madriden kontra, joan zen Extremadurako entrenatzaile Josu Ortuondo ondarrutarra prentsa aretora eta: «Epailearen lana Almodovarren pelikula batean agertzeko modukoa izan da». Hori esan eta ospa. Aldeko bi penalti ez omen zizkion adierazi epaileak. «Haserre egongo duk, eta ez dik nahiko adierazpenik egitea», pentsatu nuen, neure artean. Txakurraren bibolina! Han entzun nuen handik minutu gutxira Jose Maria Garcíaren irratikatean txor-txor. Eta

motzean jokatu z

gauean ere hitz egin zuen Garcíarekin. Beste kazetarietarako errespetu falta galanta Ortuondok lehengoan. X

■ Fitxa dezala Deportivok Javier Exposito!

Nik ez dut ulertzen: jo eta fuego dabil Deportivo jokalaria fitxatu eta fitxatu. Gabonetako epe honetan: Conceição, Helder, Renaldo. Eta Joao Pinto ere fitxatu nahi omen du. Izugarria. Baina izugarriak, halaber, Deportivoren instalazioak: Riazor

zelaia dauka eta hortik aurrera, deus ez. Lotsagarria. «Hori betiko kontua da», dio Arsenio Iglesias entrenatzaile ohiak. «Beste herrietara joan behar izaten du taldeak entrenatzera. Eta euria egiten duenean, ederra panorama, bustita bueltatu behar izaten baita. Eta ezin jokalaria bat propio entrenatu saioaren ondoren, besteak zain egoten direlako». Proposamen bat: Javier Exposito —Zubietako instalazioen aitapontekoa— libre dago, oraintxe erretiratu baita, baina egin diezaiola Lendoirok eskaintza tenta-

garria. Enfin, Deportivo miseria gorrian instalazio aldetik, eta Real Madriderik Bernabeuko zelaia azpian berogailua. X

■ Ronaldo ez da Butragueño

Robsonen keinua adierazgarria izan zen oso: «Eror hadi, motel!». Baina Ronaldo ez zen erori area barruan, Deportivoko defentsa batek sarrera egin zionean. Eroriz gero, penaltia adieraziko zukeen epaileak. Butragueñorekin oroitu nintzen jokaldi hartan: «Butragueñok 16 kanpaibuelta emango lituzke», esan nion bati. Baina Ronaldo ez da Butragueño. X

18. JARDUNALDIKO EMAITZAK

Extremadura	2-4	At. Madrid
Real Madrid	1-0	Athletic
Celta	0-2	Valladolid
Deportivo	0-1	Barcelona
Hercules	1-1	Sporting
Betis	-	Valencia
Rayo	-	Sevilla
Oviedo	2-1	Logroñes
Espanyol	0-2	Compostela
Racing	1-2	Tenerife
Realak	1-0	Zaragoza

SAILKAPENA

1.	Real Madrid	42 +22
2.	Barcelona	40 +27
3.	Deportivo	37 +16
4.	Betis (*)	35 +22
5.	At. Madrid	32 +11
6.	Realak	31 +4
7.	Valladolid	29 +3
8.	Tenerife	28 +13
9.	Athletic	27 +5
10.	Racing	25
11.	Valencia (*)	23 +3
12.	Rayo (*)	23 +3
13.	Celta	23 -2
14.	Oviedo	22 -3
15.	Espanyol	19 -6
16.	Compostela	19 -15
17.	Sporting	18 -8
18.	Logroñes	15 -29
19.	Zaragoza	14 -11
20.	Sevilla (*)	14 -13
21.	Hercules	12 -18
22.	Extremadura	8 -24

(*) Partidu bat gutxiago

19. JARDUNALDIA (Urtarrilak 12)

Extremadura	◆	Real Madrid
Athletic	◆	Celta
Valladolid	◆	Deportivo
Barcelona	◆	Hercules (A3)
Sporting	◆	Betis (C+)
Valencia	◆	Rayo
Sevilla	◆	Oviedo
Logroñes	◆	Espanyol
Compostela	◆	Racing
Tenerife	◆	Realak (ETB1)
At. Madrid	◆	Zaragoza

GOLEGILE NAGUSIAK

14: Suker (R. Madrid)
13: Ronaldo (Barcelona)
10: Oli (Oviedo)
9: Ziganda (Athletic), Mijatovic (Real Madrid)
8: Guerrero (Athletic), Esnaider (At. Madrid), Alfonso (Betis)
7: Kovacevic (Realak), Raul (Real Madrid), Rivaldo (Deportivo)...

Realak

7: Kovacevic
6: Craioveanu
2: Idiákez, De Paula, Gracia

Athletic

9: Ziganda
8: Guerrero
4: Joseba Etxeberria

Beste euskal jokalariaik

6: Julio Salinas (Sporting)
2: Rios (Betis)
1: Javi Gonzalez (Celta)...

PENALTIAK

Jardunaldian	2
Sartu	2
Huts egin	0

Guztira	47	(Bataz beste 2,6)
Sartu	36	(% 76,6)
Huts egin	11	(% 23,4)

TXARTELAK

Jardunaldian	48
Gorriak	6
Horiak	42

Guztira	1024	(Bataz beste 56,8)
Gorriak	42	(Bataz beste 2,3)
Horiak	982	(Bataz beste 54,5)